


湯子遺書



湯子遺書卷九目錄

蘇松告諭

關防詐偽事

欽奉土諭事

曉諭事

曉諭事

清理監獄事

觀風事

嚴禁徵收錢糧勒索火耗秘派之弊以恤民

艱以清賦稅告諭

湯子遺書卷九

目錄

嚴行設法催提永禁濫差滋擾以杜侵那告

諭

嚴禁婦女入寺燃身以正風化告諭

嚴禁請託以肅官箴告諭

亢旱不雨急圖脩省以祈有年告諭

嚴禁兵丁擾民以安葭屋告諭

嚴禁濫委家丁以肅吏治告諭

嚴行飭禁告諭

嚴禁諱盜以靖地方告諭

舉行鄉約以善風俗告諭



禁止船戶涉險夜行以弭盜賊以安行旅告諭

嚴禁阻葬惡習以弘孝治告諭

嚴禁營債盤剝重利以除民害告諭

嚴禁營兵放馬砮青以安民生以裕國課告諭

諭

曉諭告報版荒

嚴禁賭博以絕盜源告諭

禁略販子女以全人倫挽頹俗告諭

嚴禁刁風以安良善告諭

湯子遺書卷九 目錄

明正學勤課藝告諭

禁賽會演戲告諭

禁印造馬吊紙牌告諭

欽奉恩詔事

飭查事

示諭事

禁龍舟告諭

嚴禁私刻淫邪小說戲文告諭

嚴禁奢靡告諭

興復社學以端蒙養告諭

禁止參謁事

嚴禁餽送請託以肅吏治事

再飭實行裁汰以清蠹窟事

申嚴速結事件以免沉滯事

嚴禁擅用非刑以重民命事

申飭學校以端士習事

嚴飭事

嚴禁事

訪拏積蠹光棍以靖地方事

咨訪民瘼敬求忠告以匡不逮事

湯子遺書卷九

目錄

飭行事

嚴禁當官以除民害事

申禁佐貳受詞以儆官邪事

申飭事

嚴飭事

欽奉恩詔事

申禁徵兌漕糧鋼弊除民累以肅漕政事

申禁徵兌漕糧痼弊除民累以肅漕政事

嚴禁官旗勒兌以速漕運事

曉諭事

嚴飭催償重事

銷圩九年等事

曉諭事

示仰官吏兵民人等知悉事

湯子遺書卷九

目錄

四

宗師官更其及人等職悉事

勅諭事

諭授大平等事

勅諭外等事

湯子遺書卷九

江南公牘

睢陽 湯 斌 潛菴

蘇松告諭

關防詐僞事

照得本都院原籍中州距江南二千餘里家世清白子弟閉門讀書不與聞外事本都院賦性硜硜交遊寡少星相山人素所厭絕一二親識皆株守桑梓總無往來江湖遊學貿易之事實本都院弱冠登朝剔歷中外生平孤介自持海內共知今幸逢堯舜之主知遇之隆迥出尋常卽竭盡才力

湯子遺書卷九

江南公牘

何能報稱萬一惟有精白一心持廉秉公期官吏守法士民樂業庶幾稍盡職掌無負君恩但撫屬地處衝繁奸僞叢雜往往有假借姓名影射詐騙巧變百出如鬼如蜮愚民無識墮其術中受害無量深可痛恨合行禁約爲此示仰撫屬文武官員軍民人等知悉倘有遊學經商星相墨客之流假託本都院宗族親識招搖生事者該管官司立行拿解以憑盡法究處如地方店戶鄰佑人等容隱不報事發一體治罪若該管官失於覺察與之通刺往還一併糾參官箴所係法在必行慎毋套

視須至關防者

欽奉上諭事

本年十月初八日准戶部咨開等因到院准此合
行出示曉諭爲此示仰該地方官民人等知悉
皇上巡狩南行原以撫恤編氓觀風問俗一應沿
途供用皆在京儲備毫不取之民間爾民務須仰
體 皇上愛養至意照常甯處士農工賈各安本
業毋得聽信無知煽惑遷移遠避有負 聖明軫
恤之懷如有不法官役借名支應悖 旨私征及
擅派民間一應物件一經察出定行題參治罪蠹
湯子遺書卷九 江南公牘

役立拏杖斃決不姑貸各宜凜遵

曉諭事

照得 皇上巡狩原爲採風問俗撫恤下民周知
疾苦之意况續准戶部咨奉 上諭凡一應沿途
供用皆令在京所司儲備毫不取之民間惟恐地
方官不能體悉借端支應濫取反爲擾累業已通
行大張曉諭至於欽差部堂查勘路途不過以所
經之處崎嶇高下有礙乘輿者稍爲削平填塞並
未有毀垣壞屋之說本院自出都歷山東抵境見
居民皆安堵如舊近聞三吳才詐成風轟傳 鑾

輿經臨通衢處所必得寬大圻廬壞舍甚至深山窮谷奸徒借端嚇詐大非 皇上巡行加惠元元至意合亟通行禁飭爲此示仰撫屬官吏軍民人等知悉自示之後各宜凜遵毋得借端生事妄行圻毀民房敢有不法奸蠹仍前恐嚇愚民希圖詐婪者一經訪確奸蠹立拏杖斃地方官不行覺察卽以悖 旨虐民飛章參處決不姑貸

曉諭事

照得本都院下車三日例當放告以通民情但吳中健訟成俗訟師地棍表裏作奸往往駕捏虛詞

湯子遺書卷九

江南公牘

三

教唆誣告與本等事情毫無風影及至准理原被各受挾制欲罷不能皆至傾家乃已本都院稔悉此弊痛恨已久亟欲湔除今特酌定狀式頒行曉諭爲此示仰撫屬軍民人等知悉嗣後務照所開條款一體遵奉毋得仍蹈前轍聽信訟師簸弄自罹法網本院聽訟惟以初詞爲主不許續投稟訟初訟一字涉虛卽行反坐各宜慎思毋貽後悔

一民間事情每先告本管州縣如果審斷不公情有冤抑方許上控如狀內不將某月日告過某衙門如何審斷不公情節開寫明白朦混越告一槩

不准

一告貪官污吏無贓跡實據過付確證年月日期者不准

一告謀叛逆光棍冒旗勢宦土豪巨窩訪蠹等情非確有實跡證據者不准如假捏倖准審實照律反坐決不姑恕

一告額外私徵苛派無款項數目年月證據者不准

一真正人命強盜例由該管州縣通申批審未經

斷結不許越告如問官徇情枉法必須開明月日

湯子遺書卷九

江南公牘

傷證贓仗據實陳告違者不准

一舊事翻新及尸婚田土口角小嫌捏裝重大名

色希圖誑准審誣定行反坐

一一詞兩事黏連款單牽累多人及被證過三名

以至非關姦情牽涉婦女者不准

一不開代書歇家各姓名住址者卽係匿名刁訟

并無副狀字格逾式者一槩不准

各不清理監獄事

照得仲冬嚴寒固圉罪因凍餒堪憐况今 恩詔

渙頒小過咸與維新爲此仰司道府州官吏卽行

所屬將監犯逐一確查凡關 欽案不赦重情仍
照常固監囚糧草薦均給不許獄卒陵虐扣剋獄
斃其餘一切輕罪分別保釋候 詔到遵行仍將
清理緣由呈覆毋違

觀風事

照得三吳素號人文淵藪名卿鉅儒後先接踵理
學經濟彪炳汗青本部院髫年受書見聞所及當
年朝著建白大義措柱國是江南君子實爲眉目
中心不勝企慕頃歲以來備員史局殫力編摩江
左名賢傳述難盡撫卷嘆息以爲長江大海疊嶂
湯子遺書卷九 江南公牘

五

洪浸天地清淑之氣於是焉萃故人文之盛如此
非他方所可頡頏也今填撫茲土欲與多士講道
考德究明濂洛宗傳受事以來迎送 鑾輿案牘
山積督軍籌餉日不暇給今歲序方新正多士奮
發下帷之時合先循例觀風制義者 朝廷功令
所在諸生致身先資且六經之微旨聖賢之精義
在焉文格文懿荆川震川皆鄉先哲制義爲海內
所宗未可視爲逢年之技也又念諸生多博極經
史貫穿箋疏辨異同於毫釐窮制度之源流含咀
英華馳驟騷雅故不敢以一格相繩於經書之外

更列論表考議諸體間附古風近體詩目欲令各
盡所長以見一時之盛合行傳檄爲此仰該府州
官吏查照牌內事理卽轉行所屬州縣出示曉諭
會同該學教官擇期傳集諸生及苦志儒童局鏤
嚴密將本都院封發題目開示考試務必黎明出
題薄暮收卷使得盡一日之功毋促期催迫致妨
慘淡經營試畢公同各官鈐印固封齎解本都院
評閱卽名列辟雍願與者不妨另封呈送該府州
縣須敬慎從事毋散題徵文及漏洩題目令抄謄
代倩本都院選拔旣定仍親加覆試贗鼎混呈捉
湯子遺書卷九 江南公牘

六

刀必究尚其慎之

嚴禁徵收錢糧勒索火耗私派之弊以恤民
艱以清賦稅告諭

江南財賦甲於天下小民輸將正供拮据維艱兼
以遞年水旱頻仍困苦尤甚 皇上軫念災黎宵
旰不遑額徵正賦之外不得橫徵私派多科勒索
定有處分嚴例州縣有司務宜潔已奉法杜絕私
派痛除耗羨俾民間省一分浮費卽可完一分正
供司道府爲屬員表率尤宜端本澄清剷剔蠹弊
禁止苞苴則州縣免分外之需小民卽可受寬大

之惠額賦易于完辦各官亦免考成之累庶不負
朝廷簡任牧民之意乃有等不肖官吏惟圖營
私飽橐罔顧功令民瘼或於派徵之時浮額多
科或於收納之際加勒火耗如地畝錢糧江南各
屬額賦已重每徵正銀一兩部法之外多勒耗羨
八九分至一錢不等而江北州縣竟有加至一錢
五六以至一錢七八分者至於雜辦錢糧如行夫
牙戶匠班漁課碾餉等項竟不開明每丁應徵數
目止開某戶應徵幾丁字樣通同奸胥蠹役恣意
橫徵每丁止應徵正銀一兩四五錢者竟徵二三

湯子遺書卷九

江南公牘

七

兩仍復加四五勒耗再如酒稅一項原因用兵需
餉暫行徵收爲民牧者自應體恤民隱照額收解
乃視同凡肉亦復加四徵收更有並非額編橫行
派累如田房稅額旣經按照業戶賣契計數徵收
稅銀復於田畝上按圖按甲加數派徵及借稱某
項公費并捐助名色輒加派里遞指一徵十官蠹
分肥此皆州縣刻削下民脂膏之弊也司道衙門
凡遇州縣交錢糧則有坐平耗羨名色彈兌陋規
庫官胥吏堂役以及把門轎傘之夫俱有收銀使
費種種錮習難以悉數此則司道府婪索州縣之

弊也此等弊實在從前督撫歷經嚴禁稍爲斂戢者固有而陽奉陰違者實多本院未出都門久已稔悉及入境以來見聞更有真切嗟小民有限脂膏上下官蠹如此層層剝削無怪乎民生日蹙

朝廷正賦歲歲逋懸動盈千萬若不嚴行懲創何以救民水火無虧國儲除現在密訪參拏外合行出示禁飭嗣後各宜洗滌肺腸改絃易轍凡州縣徵收正雜錢糧務按由單科則應徵確數如法驗派明白開寫單票令民通曉毋容額外私加毫忽仍聽納戶照依部頒法馬按數稱兌自封投櫃櫃

湯子遺書卷九

江南公牘

役止許登填流水截給串票不許執戥秤收司道衙門如遇州縣解交錢糧一依部法平準兌收明白卽便印掣批文送院銷算永杜積弊如有不肖官蠹怙惡不悛仍踵前項諸弊許諸色人等不時赴院具稟一經察確官則飛疏參拏役則立刻杖斃倘有奸頑里甲劣衿衙蠹輸納糧銀故爲短少亦必查驗真實申報究懲不得窺視殷實之家借名納銀輕少籤提捉拏飽其谿壑如有此等定行飛提重治本院執法如山言出必行斷不寬假各宜猛省無貽噬臍慎之慎之

嚴行設法催提永禁濫差滋擾以杜侵那告
諭

江南各屬爲財賦重區款目滋繁有一項之徵解
卽有一項之考成州縣印官固宜竭力徵輸以副
功令毋容墮誤而在上諸司各有督催之責貴
乎嚴立期限以程完欠不在濫差滋擾乃向來司
道府衙門立法不善惟以差提爲能事不論刑名
錢穀不計輕重緩急動輒差催州縣甫及開徵而
司道府之差役接踵而至更有一項錢糧而有守
催之名不一而足此輩一下州縣惟知恣肆勒索

湯子遺書卷九

江南公牘

九

講說差規需索酒食谿壑旣盈卽置公事于不問
稍不遂欲非聳稟鎖拏卽私行毆辱而州縣經承
率皆窮役旣無身家以應若輩無厭之求欲冀一
時稍寬不得不多方承順因而那撮錢糧侵蝕國
帑勢所必至本院深悉此弊屢經通行飭禁近聞
州縣仍有守催坐催等差紛紛盤踞在諸司之敢
於玩違者或以州縣徵解愆期呼應不靈謂差提
可以速結獨不思司道府官爲屬員表率若能設
法催提嚴立程限示以必信別有勸懲下屬縱使
冥頑亦必感而知奮可以不煩差擾何竟漫無區

畫惟以濫差爲事且差往往不係公事甚有不
行牌票令書吏下縣口催多係私意科斂不肖蠹
役增飾恐嚇有司心知其僞不敢聲言常至那借
庫項以應其求錢糧虧空都由於此尤爲不法合
再示禁凡督催錢糧及一切 欽部刑名事務
須設法勉勵分別勸懲示以必信必從不得輕差
一役州縣各官亦宜仰體急公上緊完結勿以不
差催而忽玩如敢仍前濫差下縣致滋索擾侵那
情弊本院見聞所及立即密拏差役并經承重處
外定將違禁差擾緣由特疏指參

湯子遺書卷九

江 南 公 牘

十

嚴禁婦女入寺燃身以正風化告諭

婦職但司中饋閨幼專習女紅皆宜靜處閨幃別
嫌明微卽異姓親戚不得相見乃聞開元等寺何
物妖僧創爲報母之說煽惑民間婦女百十成羣
裸體然燃肩臂謂之點肉身燈夜以繼日男女混
雜傷風敗俗聞者掩耳而乃習久不察視爲故常
良可哀憫卽日親恩當報生養死葬自有定禮違
禮辱身是謂不孝何名報恩合行出示爲此示仰
該管官吏及軍民住持人等知悉嗣後婦女各宜
靜處閨幃不得仍蹈從前惡習入寺裸體點肉身

燈如有犯者許地方附近居民稟官嚴拏究處女
坐其父婦坐其夫僧道容隱不行舉發者解院重
責三十板枷示寺門三箇月不貸

嚴禁請託以肅官箴告諭

江蘇地號繁盛遊客所聚風俗刁詐人心險惡官
斯土者往往以情面請託敗其官聲得罪公論禍
不旋踵本院廿載林泉六年史局茹蘖飲冰甘之
若性奉 命撫吳誓之關帝神前斷絕交遊不畏
強禦受賄徇情神明殛之將及一載地方官民頗
能相信惟是積習日久不肖小吏猶多藐玩不知

湯子遺書卷九 江南公牘

十一

本院執法到底輒欲自行嘗試有一缺出爭謀署
篆皆素行貪惡敗檢無恥之徒不知世有天理王
法雖本院大聲疾呼猶然嘖嘖者此等奸徒可以
百里相寄乎夫百里之地錢糧刑名皆國計民生
所關卽部選非人本院尙當白簡嚴糾稍有徇縱
便屬溺職若委署非人罪何可逭然委署重任矣
而署官不能盡職是署官負本院也若先徇情濫
授是本院以 朝廷百里民命賣與匪人也卽其
人不至大敗而本院之心尚可對上天告 皇上
乎除凡不自安分妄行營謀者另行糾處外合行

曉諭爲此示仰大小屬吏知悉各宜體諒本院誓
神之意恪守官箴無懷徼倖如本院不能慎終如
始一有徇假不妨公揭通衢以彰本院負國之罪
如本院清苦勞悴自甘毫無私弊亦求相諒以全
晚節幸甚幸甚

西南亢旱不雨急圖脩省以祈有年告諭
民間插蒔方畢惟賴雨暘時若可期豐稔不意仲
夏至今雨澤愆期近日亢旱彌甚田禾將槁本院
念切民瘼中心如灼切思天道人事感應不爽自
非官墨兵驕卽係政苛刑濫除本院率屬痛自脩
湯子遺書卷九 江南公牘
省外仍建壇祈禱禁止屠沽清理刑獄惕天之變
分民之憂庶幾甘霖早沛不致薦於饑荒各宜虔
誠無飾具文

嚴禁兵丁擾民以安葑屋告諭

江南財賦重地民間一草一木俱關國課至於各
營兵馬自有額設糧餉料乾按月支給豈容橫取
况駐防兵丁違禁擾民屢奉 嚴綸申飭犯者卽
行參處乃聞各屬有等不法營兵每借砍馬草爲
名將民間田蕩所產蘆葦恣行樵採稍或勸阻卽
逞兇暴鄉僻小民孰敢抗敵惟有飲痛吞聲而已

甚至縱放馬匹踐踏禾苗糾合營使砍伐墳樹種種肆惡俱干軍紀該管營弁漫無約束亦屬不職除現在察訪拏究外合行嚴禁爲此示仰各營弁兵丁知悉嗣後務須嚴明紀律約束隊伍毋得縱容兵廝在外生事砍斫民間一草一木如有不遵卽便據實通報革治倘該管將弁知情故縱或經本院察出或被告發定以縱兵虐民會疏指參并拏悍兵以軍法重處決不姑貸

嚴禁濫委家丁以肅吏治告諭

地方公務該管官員各宜加意澄清剔除積弊使

湯子遺書卷九

江南公牘

三

上不誤公下不擾民庶免咎戾胥役不過供奔走傳號令而已至於家丁乃本官私人尤不得干預地方之事本院下車之始已經嚴禁近聞各地方官抗玩不遵以衙蠹爲腹心視關防若具文無論脩造監工開倉監兌造船辦料等一概倚任家丁胥役互相結擾狐假虎威恣睢肆橫層層剝削刁難需索窘辱備至賣富差貧弊竇百出一切公事經此輩之手盡爲吞噬之具此等情狀本官豈真聾聵不聞乎或以此輩爲誠信足仗乎抑假手攫金以自肥乎溺職若此深可痛恨合行出示嚴禁

爲此示仰撫屬官吏軍民人等知悉嗣後一切公務如有仍前擅委家丁出外招搖刁難良懦需索私費者許被害人等不時赴院控告官卽參拏役立杖斃各宜凜遵勿貽噬臍

嚴行飭禁告諭

各項當官久經禁革白票取物有干功令不意蘇城尚有冰窖承值官府相沿莫能革除查設廠藏冰蓋因春夏江海魚鮮遠來非冰卽腐窖戶在於臘月鑿窖收貯待時發賣以覓微利而蘇州大小衙門輒以冰爲驅暑納涼之具每遇夏月差票

湯子遺書卷九

江南公牘

古

絡繹恣意白取供應上司飽送知交視爲應得致窖戶雇夫雇船挑運裝送所費不貲甚且各衙門搭蓋馬廠與夫包束家伙需用草索亦著窖戶出夫打造卽或稍給工價悉被胥差兵役中飽究竟不沾實惠種種弊害殊堪矜憫合亟飭禁爲此示仰蘇郡官役軍民人等知悉嗣後炎天用冰務要給價平買償其工費至於搭廠夫役草索不得仍著窖戶備辦如有奸役朦官白取及混派夫役致滋民困或經本院訪聞或被害告發定行官參

役拏不貸

嚴禁諱盜以靖地方告諭

吳下盜風日熾由於地方官慮處分嚴切遇有被盜便與失主爲仇逼令隱匿不報其盜情重大勢不可掩者逼令改強爲竊甚至昧卻良心輒拏家屬婦女審詢坐以是姦非盜敲棧竝行以致失主畏其苦累不得不隱忍緘默卽申報矣奉文勒緝往來解比差役盤費悉出失主盜之所餘不盡不止其意總要失主有不敢不諱之勢而後官長得安然遂其諱盜之心旣助盜以虐民實驅民而爲盜是官長實盜魁也如此作官惟知有自己功名湯子遺書卷九 江南公牘

十五

不知有良民身家性命不但上負 朝廷抑且絕滅天理每日坐堂開衙乘輿張蓋何面目與斯民相對乎合行嚴禁以後當嚴禁保甲以清盜源如有失盜不論是強是竊俱限三日內拏獲真盜追出真贓申報分別照例定罪如不卽行緝拏數日之後賊已遠遁贓已花分卽獲盜亦難定招若以後仍前逼勒失主隱匿不報及借端誣讎酷刑勒供并緝捕員役索取失主盤費及妄拏平人私下拷嚇株連無辜者或經本院訪聞或被失主告發

官員立刻題參拏役杖斃

舉行鄉約以善風俗告諭

古昔盛時士有庠序學校以樂其羣民有比閭族黨以萃其渙禮讓興行風俗樸茂邇來教化不明人心陷溺父兄之訓戒不先里黨之薰陶無素因之一善未聞多以惡敗至於犯法有司輒執三尺以繩之輕則杖笞重則絞斬每歲讞獄之章常至千餘本院昔承乏綸閣閱諸曹奏牘每至大獄輒反覆不置竊歎孰無父母孰無妻子一旦身罹刑辟莫能救助爲之泣下夫先王以刑弼教非以刑爲教也一言不教而惟刑是加豈父母斯民之湯子遺書卷九

江南公牘

十一

意乎今奉命撫吳見俗尚浮華人情囂詐訐訟見於宗族仇殺起於比閭泰伯季子之風微而專諸要離之習勝欲挽回末俗馴致醇良條約頻頒未見省改中夜思維人心本善豈盡下愚不移從容漸摩自當感動鄉約之法最爲近古恭讀上諭十六條聖人之言廣大精微脩身齊家之道遷善遠罪之方總不外此撫屬府州縣衛所官吏定期每月朔望會集士民於公所其鄉鎮等處各擇一空闕祠宇選年高有德爲鄉人所重者敬謹講說務要明白痛切使人感動平居無事則互相叮

甯一有過惡則彼此許責共存天理共守王法孝親敬長講信修睦敵尚樸實解息忿爭無負 聖天子尚德緩刑化民成俗至意無徒視爲具文

禁止船戶涉險夜行以弭盜賊以安行旅告

諭

蘇郡爲南北通衢商賈往來如織又素稱澤國河港繁多經商貿易之人皆賴舟楫以利攸行應由官塘大河而走曉行夜泊以保無虞且沿塘各處巡船汛兵聯絡防守稍有警息亦可呼應追捕乃有無知船戶或貪捷徑或圖趕路每每竟由荒僻

湯子遺書卷九

江南公牘

十七

冒險夜行以致盜賊乘機竊發莫能救援至於客商雇船俱由牙埠此輩熟知船戶來歷客商遠來投牙雇載自無疏虞常有貪鄙之夫吝惜小費不由船牙寫載私自雇覓遂致奸惡水手瞰有重資故意行走僻路勾盜劫掠甚有亡命之徒以舟爲餌減價攬載誘令入彀行至中途肆行謀害不特資財一空且有性命之憂禍端莫測深可痛恨合行嚴飭示禁自後凡客商雇船裝貨務須著落埠頭雇覓熟識船戶寫立票約仍由官塘大河行走遇晚停泊民居稠密有兵所處以便巡邏不得貪

走捷徑越站夜行致有失事之虞如有牙埠不察船戶來歷混將奸船雇裝客貨以及船戶違禁行走僻徑者一經事發提牙埠船戶一體嚴究治罪斷不姑徇爾等商民各宜猛省保全資本性命慎毋行險徼倖自貽伊戚也

嚴禁阻葬惡習以宏孝治告諭

民間買地安葬原屬各從其便乃吳下惡俗每有棍徒構同勢豪凡遇民間造墳輒借稱妨礙風水煽惑阻撓肆行嚇詐稍不遂欲糾集打降拳勇百十成羣或毀撇甄石灰料或夤夜掘壞地脈甚至湯子遺書卷九 江南公牘

十八

掀翻棺木打傷人命肆橫無忌遂至許訟紛爭拖累破家安葬無期終成暴露言之真堪髮指本院稔悉此等惡習已經嚴禁不謂蘇松屬縣其風猶熾此皆地方有司奉行不力故耳合亟嚴行示禁爲此示仰撫屬官吏軍民人等知悉嗣後民間造墳安葬聽從其便如有不法棍徒怙惡不悛仍敢糾眾阻葬許受害之人指名具告地方官嚴拏解院以憑盡法重處如有司奉行不力或經本院別有訪聞定以溺職指參決不姑寬

嚴禁營債盤剝重利以除民害告諭

放債每兩三分起息載在律令近聞各處營兵不遵定例當放債之時先扣加一利息加一折色搭配低潮短少分數帶領保人又扣剋使用茶酒花費名爲一兩其實不過錢數及至還債則利上起利輾轉盤剝動至數十倍少或拖欠輒行吊打陵辱每致赴水懸梁或逼獻產屋妻孥又有印子錢名色通計本利逐日抽取二分公然開店舖勾引鄉愚小民一時費用無出圖濟目前後卽竭力經營每日所得些微何能償還重利一入陷阱無計自脫有限之脂膏盡爲此輩吮噬聞蘇城內外開

湯子遺書卷九

江南公牘

十九

張此店者不下數十百家民生安得不蹙更有營旗苦獨力肆行撞掠與大盜等尤爲暴橫合行嚴禁嗣後百姓各安本業不得輕揭債銀各營兵丁亦各恪遵 功令不得身爲中保及租房與人開張債店射利無厭地方嚴加譏察如有違犯兵則拏解該管衙門究治中保人等立行枷責仍將利銀責令賠償追券焚燬如有折算子女財產逼人赴水投繯情罪重大立卽具文申報本院飛章請旨從重處分

嚴禁營兵放馬斫青以安民生以裕國課告

江南爲財賦輿區寸土皆有課稅民間藝植輸糧
非荒蕪廢地可比凡營伍馬匹自有額設草豷喂
養如有放牧不許作踐禾稼久奉嚴綸孰敢違
背乃聞有不法營弁縱兵結黨成羣放馬出城或
嚙食禾麥或侵伐墓木所遇無敢撓觸如馬在田
偶或驅趕卽以傷馬爲題無端紮詐至於水鄉菱
蘆草蕩皆有賦之區兵丁借名砮青縱令小廝擅
捉農船聯船逐隊夥結到鄉將有課蘆葦肆行砍
砮公然裝載貨賣致民賠糧飲泣又草船所過之

湯子遺書卷九 江南公牘

二十二

處遇民船則故意衝擊毆奪篙櫓傍村居則徧掠
雞豚橫取柴草更有地方棍徒假作營裝勾引暴
戾種種擾害均干軍紀向來提督總鎮熟知其弊
嚴加禁飭不啻三令五申乃兵廝遠離部曲罔知
遵守將令約束端在平時方今東作將興菜麥滿
畦茅簷部屋力穡多艱尤宜斂戢安農除一面嚴
飭各營弁并密訪拏究外合行出示嗣後如有不
法兵丁小廝借名放馬砮青傷殘禾麥強砮蕩柴
擅捉民船擾害鄉村及地方棍徒勾引生事者諸
色人等協力擒拏解官申究以憑軍法嚴治

曉諭告報版荒

長洲縣版荒田地本院因念里民包賠苦累是以
示令自行開報定奪然其功令森嚴事干地畝錢
糧題報請豁談何容易必實係不毛絕地方可據
實報明候委官察勘若一毫虛假萬一奉旨差
官察勘罪將誰歸無奈里民良頑不等竟將原有
種植可以供賦之田一槩混呈妄希蠲減以致荒
數累萬真偽難分矣目今東作方殷若委官履畝
踏勘必致妨誤農業相應停止爲此示仰長洲縣
里民知悉 國課嚴急無草草具題之理俟秋穫
湯子遺書卷九 江南公牘

三

之後遴選清廉才能官員確訪真實不毛之地另
行分晰緩其徵比量先雜辦差徭不許指名造冊
等費科派分文以致重累窮民如有故違本院一
有訪聞定行從重究處

嚴禁賭博以絕盜源告諭

士農工商各有本業賭博爲非律有明禁吳下有
等無賴棍徒開賭場引誘良家子弟羣集賭博徹
夜呼盧良賤不分兵民混雜一入彀中莫能悔悟
腰纏罄盡流入匪類穿窬掏摸無所不爲開賭棍
徒但知拈頭取利孰論奸良以致賭博之場竟成

盜藪貽禍地方深可痛恨至於紳衿讀書明理尤當砥礪廉隅戒絕怠荒名教自有樂地何乃亦以鬪馬吊爲事總緣習俗已成莫能自振甚至與士卒細民爲伍禮讓全無惟憑機械惡習久經嚴禁印造馬吊紙牌令其改業孰意啓不畏法之徒仍不悔悟除現在查訪拏究外合行嚴禁爲此示仰諸色人等知悉士農工商各務本業不得相聚賭博陷入不義甘蹈法網如有不法棍徒開場糾賭以及私造紙牌暗行發賣許地鄰保甲人等協力擒拏赴稟本縣印官轉解本院究詢明白按律從湯子遺書卷九 江南公牘

三

重治罪如地鄰保甲徇情容隱事發一體究處各宜猛省毋自執迷

禁略販子女以全人倫挽頽俗告諭

略販之罪新例甚嚴乃吳下惡俗有等奸媒牙保覘知貧人子女稍有姿色輒巧言哄動或稱官宦討取賸妾或稱富豪收爲兒女始以重價立成文券及至攫金到手半入奸囊而爲父母者止圖目前之貲財不顧骨肉之分散或父母稍有良心不受哄騙若輩卽糾合黨類俟候子女偶然出門竟行誘擡八窟輾轉遠賣得價瓜分迨其父母告官

追緝其去已遠杳然莫可根蹤不獨骨肉分離反
多公庭拖累言念及此殊堪髮指又有一等無賴
之徒嫖賭放蕩衣食不給被奸媒設騙或將本身
妻子自賣遠方永離鄉井甚至鬻爲水販墮落娼
家更有爲富不仁之輩收買人家子女教習吹彈
技藝通同媒媼誘紈袴子弟婪取重價賣爲姬妾
此種澆風惟蘇郡淮揚江甯爲甚愚民誤墮其術
生離遠別而若輩坐高其利天理王法皆所難容
該管有司身在地方視爲細事漠不相關全無禁
戢溺職殊甚本院念切維風合行嚴禁爲此示仰
撫屬官吏軍民人等知悉凡有前項奸媒販棍以
及收養瘦馬之徒嚴行驅逐出境如警不畏死潛
頓境內仍前拐販子女許鄰里保甲赴該管官據
實舉報解本院審明題請正法鄰甲容隱不報一
體治罪至若窮民不惜兒女遠賣他鄉有司官務
須多方勸諭令其悔悟如冥頑無知甘心拋棄一
并照例懲處決不姑貸各宜猛省毋蹈法網

嚴禁刁風以安良善告諭

聖賢語治不過教以田里樹畜申以孝弟禮讓遂
至比屋可封刑罰可措者今日教化陵夷奸偽滋

起稂莠不剪而欲休息蓋亦難矣吳中刁惡遊民最爲百姓苦患者約舉數端嚴加懲創自示之後凡以前違犯者當思渙然省改如長惡不悛三尺具在斷不寬假毋謂本院不教而殺也

一奸暴遊民結黨歃血或假稱欠債或捏騙賭博持棍操刀行兇打降一人有讐則聚衆同報一人告狀則彼此扛幫甚至窺寡婦孤兒家道殷實而柔懦愚蒙便指姦盜誘賭誘嫖或強使揭銀或唆調爭訟又勾引旗營機匠結交衙門皂快挾同詐財互相容隱更有欺隱田糧抗逋國課窩盜窩訪湯子遺書卷九 江南公牘

三

保官保吏壞法亂紀真堪痛恨自示後五日內不卽解散本院訪出盡法究處各重性命其毋後悔一民間或因小小口角邂逅身死竝無致死情由屍親指死者爲奇貨或擡屍上門或混搶家財或鉅棒劊打或傷器物勢同盜賊不厭不休以後如有此等盡法重懲枷示三月決不輕恕

一刁民心懷奸僞志在得財家中但無營生就要撻尋告狀更有一種訟師專一起滅詞訟教唆愚民或捏寫無影虛詞或隱匿年月姓名或以活人作死或盜人墓檢屍或造混告之三十人或牽連

無干婦女或假冒籍貫或擅用黏單或一狀未問
一狀又投或上司衙門連遞數紙以致批問紛紛
提人擾亂有分毫小事而經年不結者有東審西
詳往返千餘里者飢寒疾病老弱之人連累常死
莊農傭工之家盡誤生活及至事完之日不過笞
杖罪名多半全無指實如此奸詐之徒擾亂生民
死有餘辜往往反坐通不知懲以後州縣置無恥
刁民簿除原因辨冤訴屈所告得實者不分曾否
告幾次免其登記外其餘但係半虛者卽登此簿
簿登三次者將本犯扭解本院以憑盡法重治所
湯子遺書卷九 江西南公牘

卷九

告多人除緊關重犯外其無干牽告之人所費盤
纏卽於本犯名下計日追銀給牽告之人收領鄉
黨良民休與爲禮

一造言之人無端捏事見影生風或平起滿街議
論或寫帖捏名文書擅編歌謠劇戲或談說閨門
是非除致出人命者卽依律定罪外鄉人等但有
指實者卽便公舉到官有司盡法重治枷示三月
本院記惡良民不與爲禮

一賭博乃敗家之緣由做賊之根本開場者譬如
窩主束手分財賭博者譬如盜賊夥瞞癡幼此輩

若不嚴緝地方安得甯謐各州縣官於城市鄉村印貼告示但有拏獲真正賭博者除照例盡法究治外仍於本犯名下追銀十兩充賞

明正學勤課藝告諭

聖學明則風俗淳蒙養正則士習端訓練勤則藝業精吳中人士文章藻麗爲天下冠而敦本正始明倫敬身之道猶有未盡講明者夫本始之教莫重於孝經而養蒙育德莫切於小學合行定期開講爲此仰該學教官卽便聘耆儒每月十一日在明倫堂講孝經小學之日長吳二縣各社學教讀湯子遺書卷九

江南公牘

五

俱率生徒聽講月課之日教讀一體聽候課試其供給各衙門分日輪備毋得違錯

禁賽會演戲告諭

吳下風俗每事浮誇粉飾動多無益之費外觀富庶內鮮蓋藏偶遇災祲救死不贍本院不勝痛惜如遇迎神賽會搭臺演戲一節耗費尤甚釀禍更深此皆地方無賴棍徒借祈年報賽爲名圖飽貪腹每至春時出頭斂財排門科派於田間空曠之地高搭戲臺鬧動遠近男婦羣聚往觀舉國若狂廢時失業田疇菜麥蹂躪無遺甚至拳勇惡少尋

豐鬪狼攘竊荒淫迷失子女每每禍端難以悉數
本院竊爲爾民計以此無益之費而周恤鄉黨親
族刊布嘉言懿行則人頌好善積累陰功何苦以
終歲勤劬所獲輕擲於一日曾有何益本院已屢
次誥諭告誡城市之間稍稍斂跡而鄉村僻處曾
未之改深爲民病合行出示嚴禁

禁印造馬吊紙牌告諭

民生於勤荒於嬉故禮有游惰之罰律嚴賭博之
禁何意乃有馬吊紙牌一事士農工商各有本業
一執紙牌曠時廢業無賴棍徒引誘富豪子弟一
湯子遺書卷九 江南公牘

副之內動經數千一夕之間輸輒盈萬夜以繼日
叫呼若狂主僕混雜上下無分奸淫竊盜乘間而
起真可痛恨合行嚴飭以後槩不許印造紙牌如
再不遵立拏重究

欽奉恩詔事

照得 恩赦宏頒普天同慶凡司府州縣獄中罪
囚除情最重大赦例所不原者照常監固速行審
明通詳定奪外其餘康熙二十三年九月二十四
日 恩赦以前輕罪人犯盡行釋放如不遵 詔
款濫行監禁者許罪人家屬不時赴本院轅門稟

訴立拏經承重處本官以抗違 詔令聽候題參

飭查事

據該縣申覆修葺院署並未撮動庫帑亦無科派里下等情並送原卷查核前來據此查閱卷內係本院未發票之先奉前院檄行修理衙門本院票到之後卽行停止旣無撮動庫帑及科派里下情弊姑准存案所有卷宗合行發還爲此仰縣官吏卽將發回公務事卷一宗查收毋違

示諭事

本院員役繁雜殊甚或犯事改名投入或本身生

湯子遺書卷九

江南公牘

三

監抗糧爭訟班頭揭出其餘五人具結存案違究

禁龍舟告諭

習俗之奢儉動關閭閻之肥瘠吳民家鮮蓋藏猶自浮費相尚如午日競渡其一也合行嚴禁自後毋論近城遠鄉一切龍舟槩不許集資脩葺如有惡少棍徒不遵禁約倡議思脩嚴拏枷示爾民各當務本凡遇令節家庭之間洗腆用酒以享高年以娛婦子旣無大費又有真樂何苦以終歲勤勞所得輕擲一旦荷花蕩開會亦與此同例毋得抗

違取罪

嚴禁私刻淫邪小說戲文告諭

爲政莫先於正人心正人心莫先於正學術朝
廷崇儒重道文治修明表章經術罷斥邪說斯道
如日中天獨江蘇坊賈惟知射利專結一種無品
無學希圖苟得之徒編纂小說傳奇宣淫誨詐備
極穢褻汙人耳目繡像鏤版極巧窮工致遊佚無
行與年少志趨未定之人血氣搖蕩淫邪之念日
生奸僞之習滋甚風俗陵替莫能救正深可痛恨
合行嚴禁仰書坊人等知悉除十三經二十一史
及性理通鑑綱目等書外如宋元明以來大儒註
湯子遺書卷九 江南公牘

五

解經學之書及理學經濟文集語錄未經刊板或
板籍燬失者照依原式另行翻刻不得聽信狂妄
後生輕易增刪致失古人著述意旨今當修明正
學之時此等書出遠近購之者眾其行廣而且久
爾等計利亦當出此若曰古書深奧難以通俗或
請老誠純謹之士選取古今忠孝廉節啟仁尚讓
實事善惡感應懍懍可畏者編爲醒世訓俗之書
既可化導愚蒙亦足檢點身心在所不禁若仍前
編刻淫詞小說戲曲壞亂人心傷敗風俗者許人
據實出首將書板立行焚燬其編次者刊刻者發

賣者一併重責枷號通衢仍追原工價勒限另刻
古書一部完日發落

嚴禁奢靡告諭

衣食之原在於勤儉三吳風尚浮華不安本分胥
隸屠沽娼優下賤無不戴貂衣繡炫麗矜奇文人
喜作淫詞疾病之家聽信巫覡欺誑輒行禱禳鼓
吹喧闐牲肴浪費貧民稱貸於人又有游手好閒
之徒或假神道生辰或稱祈安保歲賽會慶祝雜
扮故事兒女溷淆舉國狂鶩爲首苛斂乾沒或因
酗酒聚博致生事端又有優觴妓筵酒船勝會排
湯子遺書卷九 江南公牘

三

列高果鋪設看席糜費不貲爭相誇尚更或治喪
舉殯戲樂參靈尤爲無禮凡此種種一皆百姓火
耕水耨辛苦所致恣其浪費毫不檢恤民力安得
不竭國稅安得不逋自後胥隸娼優槩不許著花
緞貂帽緞鞞犯者許人扭稟變價充賞疾病祈禳
若有巫覡賽會祈保罪坐事主尋常宴會不過五
簋酒船妓樂高果看席及喪殯戲樂槩行禁止如
敢故犯該地方官嚴拏究懲

興復社學以端蒙養告諭

化民成俗莫先於興學育材合行出示將本城內

天以實不以文既不能崇德慎刑承順天道於未
有譴告之先今災祲著見又不能恐懼修省以回
神祇之怒則下民何賴焉除本院已經具題力請
蠲賑并行司道博訪紳衿耆老條陳救荒良策迅
速舉行外合行曉諭爲此示仰道府州縣營衛官
吏知悉當茲異災各痛自修省或催科無術奸胥
盈橐而良民賠累或刑罰不中豪強恣橫而愚懦
含冤或緝盜不嚴而拖累失主或防兵無律而騷
擾居民或私派繁雜或差徭急迫或暮夜之苞苴
未除或囹圄之淹滯未釋或虎吏飛而食人或土

湯子遺書卷九

江南公牘

三

棍坐而噬肉或贖緩無力而強追或鰥寡死亡而
莫救但使冤含匹婦便可霜賈六月俱要從頭檢
點加意諮詢如大患在身奮然立去勿牽制左右
之口如能相體諳切至意有所省察有所興革下
蘇民困上同天心卽將所改事宜據實申報以爲
計冊實政決不負良吏苦心也真切呼籲幸勿套
視

霍雨災患非常等事

照得淮揚徐三屬疊罹水患今歲五六月間暴
雨盆傾河湖交漲禾稼盡沒廬舍飄蕩城市之間

非舟莫通兼以颶風海潮溺死人民無數據各屬
申報及呈狀所陳有婦子六七八人共結一繩繫於
風車而死者有一家崩屋壓死十餘人者有人眾
爭舟舟小風大而覆者有依附草木身泊蒲葦上
以死者有飄居高岸復爲蛇虺所嚙死者有遷止
寺塔索救不得饑餓而死者傷心慘目莫可名狀
嗟嗟吾民何遭此異劫惟此子遺遷身無地餬口
無食目下秋盡冬來饑寒交迫若不設法賑濟必
致盡填溝壑誰非 朝廷赤子甯忍坐視不救除
本院題請大沛 皇仁廣賜蠲賑仍動司庫正項

湯子遺書卷九

江南公牘

三

錢糧委官江楚買米分賑外但庫項未必允銷而
杯水何能普濟天災流行何國蔑有誼切鄰封義
難漠視本院大聲疾呼求將伯之助至今惟據按
察司捐穀一千石此外各屬未有應者豈本院愛
民不誠無以相動耶合再飭行爲此仰司道府官
吏查照來文卽便轉行蘇松所屬各官竭力倡捐
並鼓勵紳衿商民人等量力捐助先將捐數具文
詳報以憑撥發賑濟彙疏具題如捐數合於議敘
之例官員則請加級紀錄商民則請頂帶榮身如
或力不從願未合議敘之例本院亦當從優旌獎

貽後悔

再飭實行裁汰以清蠹窟事

照得汰役之行蓋因各衙門白役過多非舞文弄法卽藉端索詐肆其荼毒大爲民害是以特檄清釐在諸司自當以民生爲念實加沙汰將革過姓名呈報據該府縣申報經制各役姓名冊到院稱衙役俱遵經制並無額外多設本院閱之甚爲詫異蓋乃近見各屬或稱恪遵經制並無額外多留或稱先奉前院行文業已盡行釐剔殊不知經制二字原以塗飾耳目額外貼役天下皆然江蘇尤

湯子遺書

卷九

論

三

甚今云並無多設悉遵經制將誰欺乎江蘇事務繁冗盡遵經制勢有不能但一衙門多至千餘人有至數千者此輩衣食皆仰給於衙門朝夕所謀所爲何事見事風生借端詐騙情弊多端雖間或奉行裁革此輩憑城倚社百足不殫夬情行賄朝出暮入比比皆是真正歸農者有幾本都院素所稔悉况本都院凡有申飭禁革皆知之真而行之力非虛文了事者今竟全不奉行惟以空文搪塞卽此遵照經制留用一語其爲捏飭顯然深可痛恨本應據文參處姑再通行嚴飭爲此仰官吏查

照原今事理卽將該衙門胥役慎選清白良民身
家無碍者充當凡係積年猾胥奸棍白役犯罪被
刑更名易姓之輩務期用心覺察盡數革逐其革
過姓名造冊呈報一面出示曉諭使民通曉本院
但要該司道府州縣實心革汰不究往日濫用多
役如敢陽奉陰違朦朧混覆察出官參役處斷不
寬假慎之速速

一本院欽承 簡命巡撫江蘇察吏安民實爲首
務冀與諸司勉盡乃職以仰副 聖主懇懇圖治
至意屬吏果有操守潔白惠政宜民興行教化剔
弊釐奸自當亟爲採錄不靳薦揚如有貪黷枉法
酷虐乖張及鬪茸廢事信任蠹役者一經訪確立
行 題參白簡如霜決難寬貸

湯子遺書

卷九 先論

三

一江南財賦甲天下京庾軍餉藉給實多連年水
旱頻仍民不聊生剝肉醫瘡情狀堪憫全在司牧
寓撫字於催科徵輸有法無事敲扑庶窮民可望
生全 國課不至虧欠倘私勒增耗侵漁那混假
手吏胥完欠及擅用重刑毫無矜恤徵收悠忽完
解愆期定行參處決不姑容

一撫屬地方襟江帶海夙號巖疆 朝廷設官養

兵汛守綦重必須平時操演方可有備無虞不得藉口昇平逍遙河上如有伐狐擊兔以逞雄心投石超距致疏騎射者一并參革至於縱兵擾民向有厲禁各宜凜遵

一本院初由翰苑兩任監司近復承乏內閣與聞大政諸司章奏朝夕檢閱吏治民情刑名錢穀留心頗久文移稿案無煩假手賓佐敢有不法奸徒指稱幕府知交在外指騙印捕各官不時查解被詐之人許擊鼓喊稟以憑嚴拏究處

一封疆民社各有責成文武官弁豈容擅離職守

湯子遺書卷九 江南公牘

三

况本院惟以職業修廢爲各官殿最一切繁文縟節槩行禁絕賀節祝壽陋套尤種種可厭有借名擅至院署請謁者參處不貸卽同城諸司非關緊急事務非時參謁亦一槩不許傳稟蓋省一刻應酬便息一刻精神辦一刻公務至於遊客干謁尤宜嚴禁此輩有害民生無益政事本院賦性孤介與人落落斷不能以地方物力結納私交封口書函毋得混投惟京報會稿塘報軍務隨時擊鼓傳進違者重懲

一僑役借差肆詐最爲厲民本院素所痛恨非至

緊軍務 欽部重案斷不輕遣員役下屬滋擾諸
司咸宜體恤毋得違禁濫差致干 功令如有不
遵察拏重懲該管官飛章參處

一放告定於每月初二十六兩日果有重大冤抑
事情興革利弊依期投告查閱批審如捏誣越訴
必行反坐至巡歷地方及公出時攔街喊冤甚至
赴水抹項假裝膚翹情形希圖誑准明係僱倩無
賴之人除不准收狀外仍行責治以遏刁風

一本院素甘淡泊一應日用薪米等項俱發現銀
平買倘買辦員役不照時值強陵賒剋許卽指告

湯子遺書卷九

江南公牘

三

以憑責究至巡歷處所下程小飯鋪設迎送盡行
禁止如隨巡員役藉端不法有犯必懲

申嚴速結事件以免沈滯事

照得本院衙門一切奉行 欽部事件非關緊急

糧餉卽係重大刑獄所屬諸司自當悉心料理上

緊完結庶幾無曠職守况例限綦嚴轉瞬卽已屆

期無如邇來積玩成習一味耽延雖由吏胥茹賄

沈捺亦因本官利欲薰心借端苛駁不卽轉詳竟

爾高閣直待賄賂到手方始苟且塞責倘誅求未

遂則諉稱某官遲延某官怠玩上下推卸相率成

風蓋以定例違限處分專責督撫而於下司無涉也今本院倣照現行例一催二催之後卽用飛籤按程計日守提經承親賚回話其駁查事件止催一次如違限不到亦卽飛籤守提不許郵封遞繳籤限有違一面專責鎖拏經承重處一面將該管官量其事之大小輕則以才力不及重則以罷輒無爲分別指參斷不止以遲延案件爲言瑣瑣從事也合行通飭爲此仰司道官吏照牌事理卽便轉行所屬大小正佐各官務須大破積習凡有奉行事件隨到隨行隨行隨結至本院牌籤初次以湯子遺書卷九 江南公牘

三

半月爲限一催以十日爲限二催以五日爲限飛籤以三日爲限期於必行必信所望諸司實心奉行毋以套言泛視倘仍踵積習憲法昭然斷難寬假文到先具遵依繳查

嚴禁擅用非刑以重民命事

照得刑具之設原以禁奸止暴期於無刑不得濫加以逞酷虐卽如夾棍一法原以處大盜真正人命及光棍豪蠹之堅不招承者然猶再四審詳不得已而用之期於得情而止歷經 題請不許擅用 功令昭昭有如星日近聞有等官司一逢審

斷不問事之大小情之重輕輒用夾棍動輒拷掠
一出門外不似人形一入獄中或登鬼籙如此等
官真天理滅絕良心死盡蒼鷹乳虎未足云喻此
必是酷以濟貪猛以極慾民間但有小事不能保
其性命只得哀求衙蠹私通幕賓暮夜之金充滿
其家官得其一衙蠹幕賓分肥其九究竟貪酷之
罪自己承當國憲森嚴誰能相貸至於徵比錢
糧卽有拖欠亦不過量加責懲僅以示辱小民貧
苦力實有限懲戒之中常存哀矜故吳中舊俗謂
杖之最輕者曰比較棒今竟以夾棍等刑施之欠

湯子遺書卷九

江南公牘

三

糧之戶龍鬚大板密梭重枷無所不至籤拏行杖
種種須費竭蹶得銀僅支雜費寡婦孤兒亦所不
免如此作官縱逃王法難道天刑從古及今鑒戒
昭然本院林居二十年貪酷官吏行逕聞見最真
痛心疾首久矣今訪聞吳中相沿成習更出平日
見聞之外下車方始姑行禁約嚴飭爲此示仰撫
屬官吏人等知悉司道府州縣官吏嗣後如非直
正人命強盜光棍衙蠹土豪不許擅用夾棍違者
定行參處決不姑容本院賦性耿介執法如山權

貴請託毫無用處各宜猛省無貽噬臍

申飭學校以端士習事

照得人才者天下理亂之由學校者人才邪正之本今安定之風旣遠蒲霍之教無聞學路久迷人心日壞浮僞之習益甚奔競之術益工士子終日聚談無一語講求道義終日誦讀無一字照管身心爲正言者則笑爲道義吹求其短不詭隨者則惡爲古板厭棄其人不知世道人心何所底止本都院承乏三吳立意略浮華而重實行諸生中有孝友禮讓踐履篤實者本都院當致式廬之禮有研究濂洛關閩之學躬行心得者本都院當執經湯子遺書卷九 江南公牘

三

問道處之師友之間此等君子真地方祥麟瑞鳳提學宜勤加採訪卽時報聞本都院省覽民詞見諸生中與父兄師長爭訟者有之姦通婦女包占娼優者有之侵奪房產騙財物者有之包攬錢糧交結黨與挾制官府者有之充當地方圖長歇家糧總辱人賤行恬不知恥者有之捏貼匿名生事造言者有之身爲訟師窩訪賣訪各衙門線索在其掌握者有之貪財報怨聚衆毆人爲打降主帥者有之包領牙店把持行市者有之扛幫惡少夥誘愚頑賭博傾家者有之搬弄是非起編綽號

浮薄敗羣者有之春秋釋菜禮先聖者寥寥幘
車所過執詞喊稟者累累放告之期羅而跪拜者
如林三吳稱人文淵藪前輩名賢身列縫掖頎然
負公輔之望何今日學校猥雜至於如此殊可怪
也爲此仰提學道官吏查照牌內事理卽轉行本
都院所屬七府一州五十二州縣併金山衛海門
鄉等儒學教官各嚴加戒諭諸生如有前項之徒
輕則申該道革黜重則按律定罪報本都院題
參一學至五人者該道立將教官申參至三人者
註下考候大計處分慎毋寬貸先令各教官具文
湯子遺書卷九 江南公牘

報查毋違

嚴飭事

照得本都院頒發一切告示俱關國計民生地方
利弊務須實貼通衢令民家喻戶曉乃各屬有司
玩忽成習每有發到告示竟不黏貼任憑蠹役地
棍通同藏匿以致興革之事小民未及周知蠹棍
得以朦朧作弊殊屬玩法合亟嚴行飭查爲此仰
府州官吏查照來文事理卽將本院到任以來頒
發各屬告示何故竟不黏貼立速逐一查明據實
呈覆仍嚴飭所屬嗣後如有發到告示務須隨到

隨行黏貼通衢令民共曉毋得仍聽蠹役作弊隱匿有負本院爲國計民生至意如敢故違訪出定提經承究處該管官不行覺察亦難辭咎慎之仍具遵依報查

嚴禁事

照得本院衙門職司風憲燈旗牌額豈容濫冒近見河下官民船隻竟有擅掛巡撫軍門燈籠及豎立水牌往來河口假借招搖甚至昌勢陵人鬪狠生事殊爲不法除現在盡數查拏外合行曉諭爲此示仰各屬官民船戶人等知悉嗣後一切大小湯子遺書卷九 江南公牘

四

船隻永不許設立本院衙門水牌燈籠如敢故違卽屬假冒許諸色人等執稟所在官司轉報本院以憑嚴究各宜凜遵毋貽後悔

訪拏積蠹光棍以靖地方事

照得三吳刁詐成風沿襲有素曩有一種奸惡積棍把持衙門交通胥吏起滅詞訟蠹害百端百姓殞命傾家而莫能避其螫有司褻手旁觀而不敢犯其鋒見者心寒言之髮指本都院洞悉其情形久矣蒞任以來留心採訪業已確聞一二地方該管官親民有日甯有不曉然在胸之理意者恐搏

虎不中反爲虎噬故遂巡退縮耳合行查飭爲此
仰司道府文到轉行所屬州縣卽嚴加緝訪如有
元惡巨慝人情共憤者將惡款事跡訪查明確立
刻具詳申報以憑提拏按律究治不得徇縱渠魁
反以無知愚頑苟且塞責亦不得寄耳目於吏胥
使得挾嫌乘隙誣陷善良其大奸大惡或係院司
道府鹽關蠹役或係學校劣衿一聽嚴加緝解不
得顧惜瞻徇本院執法不搖萬不至出柙漏網使
得反噬以此靜地方之奸回卽以此定有司之賢
否若怠玩縱容視爲故事一經本院親爲訪拏地
湯子遺書卷九

江南公牘

聖

方官一併飛章參處决不輕貸

照得本院謬膺簡命填撫三吳深懼黯劣無以

仰副朝廷任使之意俯答士民期望之心念先
儒爲政署其門曰求通民情願聞已過本院竊傲

此意除地方文武官久任茲土聞見有素不時條
陳外鄉士大夫耆儒碩學留心民瘼洞晰利弊根

源自爲桑梓謀或本院興除不力耳目不廣昧於
事機不合民情者幸盡言無諱本院當齋心受之

次第施行父老子弟疾苦切身熟思拯救之法許

於每月初三十八兩日隨投文進院具詞條陳但不許借題訐告牽連人姓名假公言洩私忿負本院真切求言之意

飭行事

照得本院衙門所行事件俱係欽部重案統據司道府州具詳咨題如人命則訊其致死有無謀故以及爲從加功口供見証兇器務要真確有據庶成鐵案生者死者兩無所憾逃人則查明是何年月脫逃是何月日盤獲并本逃之旂色主領盜案則究其上盜情形夥盜確數並贓物的實逐一

湯子遺書卷九

江南公牘

聖

辨訊取其供詞不得聽經承改易口供失主急圖了事妄認贓物捕役冀免責比以他案充數又將案內要緊情節核妥敘詳庶幾披閱之下一目了然據以咨題方爲妥協近見該司道府州申詳各案細繹緊要處所每多游移滲漏而於絕不相關之處反將間詞泛語鋪陳滿紙爲奸宄開倖脫之門良儒蒙覆益之冤殊爲可恨合亟飭行爲此仰司道府州官吏查照來文事理嗣後呈詳本院文冊凡關咨題案件該司道府州務要躬親查閱仍著令諳練經承逐一核對應詳者詳應略者畧務

必簡明切要毋得仍前多入浮詞泛語草率混淆
如事關重辟必須連人解院親審定奪方繕疏具
題斷不能據紙上刀筆之詞含糊八告如敢故違
定將該管經承立提重懲決不輕貸文到先具遵
依報查毋違

嚴禁當官以除民害事

照得蘇郡賦重地狹小民全賴日逐營運以資餬
口又地處要衝差使往來絡繹不絕乃奸猾胥役
擅立當官名色凡遇兵馬差使經臨一切需用物
料無不取之行戶及至給發官價又復從中扣剋
湯子遺書卷九 江南公牘

四

甚至指一派十種種蠹害難以枚舉嗟此小民有
限資本何堪如此剝削雖經前院屢禁但此輩饕
餮性成弁髦法紀民累未除派擾如故除現據藩
司詳請批令勒石永禁外合行曉諭爲此示仰該
縣官役及牙戶人等知悉嗣後凡有兵馬差使往
來需用糧料務須照依時價現銀採買不得仍借
當官名色恣意濫取以及短價虧累冒破開銷如
有此等許受害人指名赴院控告以憑嚴拏究寀
蠹役按法處死該管官從重糾參斷不寬貸爾等
牙戶既無當官之累其應得牙用亦宜節減使買

賣均沾利益毋得多行勒索並干咎累

申禁佐貳受詞以儆官邪事

照得 朝廷設官分職各有專司佐貳擅受民詞

久乖禁例乃有等不肖廳官利欲薰心弁髦 功

令每每私收狀詞濫差恣擾或者鑽通府正以獻

媚爲縱貪之計堂受其要挾將批送爲酬答之文

甚至縣佐雜職典檢微員亦借命盜名色擅收報

單不申正印竟自差提審問逞威拷掠不論情理

曲直惟圖賄賂充盈更有奸險訟棍或因正官已

經審結難於翻告或因廳衙易於准銷起滅自由

湯子遺書卷九

江南公牘

聖

遂視佐貳衙門爲捷徑夤緣囑託顛倒是非種種

弊端莫可勝數不特大玷官箴實且重滋民累雖

前任督撫屢經禁飭但恐日久玩弛合行申禁爲

此仰司道府官吏照牌事理即便轉飭所屬府廳

州縣佐貳首領等官務宜洗心滌慮痛自省改糧

捕巡防各盡職業不得違例越分擅收民詞倘有

不肖佐貳仍蹈前轍正印官卽行揭報以憑從重

叅處縣佐雜職本院先行拏究然後咨部斥逐倘

印官徇情不舉該司道卽將印官揭報定照徇庇

例一併題參各宜猛省毋貽後悔文到先取各屬

佐貳官遵依甘結送查毋違

申飭事

照得本都院職司風憲所屬大小各衙門應行事宜一切呈詳驗報例有定體無容紊越如錢糧以藩司爲統會刑名以臬司爲總持學校以學道爲政漕務以糧道爲政解支銷算與承審招詳以及舉節旌孝懲治劣衿自必由縣至府經府詳司道轉詳到院查核定奪卽或間有緊要事件不及轉申徑詳本院此在正印衙門猶可變通並無佐貳雜職等官可以越次亂詳近來大使巡檢驛丞干

湯子遺書卷九

江南公牘

吳

總動以瑣屑細事具文申請殊非政體合行飭禁爲此仰司官吏查照來文卽便遵照轉飭嗣後無論州縣佐貳及巡驛千總等官凡屬應行事宜必須先向該管衙門呈明覆核具文轉詳廣文必事關風化有裨勸懲方由學道轉申不得以瑣屑繁碎之事輕行混瀆有傷雅道若各官地位卑微或該管上司借事威制胥吏需索嚇詐冤抑莫可控訴者不妨直達本院當爲之申雪如仍前小事越詳先提經承重處卽本官亦難辭躁妄之咎文到

先取各官遵依報查毋違

嚴飭事

照得本都院秉性孤介操凜冰霜上畏下功合下畏民畏一切繁文縟節槩行禁絕况江南賦重事繁風俗刁詐官斯土者晝夜拮据猶日不暇給安有餘閒精神作無益之事乃近日以來往往見各屬印信封甬內藏四六賀節稟啓殊違禁例除出示著掛號吏細加檢察槩不許收外合行嚴飭爲此仰司道府州官吏遵照牌內事理卽轉行所屬各州縣嗣後務宜體諒本都院誠心相約之意各守職業殫心政教期於返樸還淳本都院專以操

湯子遺書卷九

江南公牘

望

守清濁政事修廢定屬員殿最斷不以儀文疎密爲喜怒此可質之天日久而益信者如仍蹈前轍再以四六陋習藏印封內投送者是以本都院之言爲虛僞也立卽指參決不稍爲寬假尚各自愛毋貽後悔慎之

欽奉恩詔事

准戶部咨開等因到院准此除行藩司糧道通飭遵照依由單每畝應徵漕糧若干應免若干細加分別扣免帶徵外合行出示曉諭爲此示仰撫屬官吏糧里人等知悉康熙二十四年起運二十三

年分漕糧赦免三分之一康熙十三年起至二十二年拖欠漕項錢糧自康熙二十三年起每年帶徵一年此蒙 皇上特恩軫恤小民務使得沾實惠如有不肖官員少扣橫徵乘機侵蝕衙役借端需索使費或經本院訪聞或被告發定卽從重題參拏寃決不輕貸母以功名身命嘗試也慎之

申禁徵兌漕糧錮弊除民累以肅漕政事

照得漕精額數惟三吳爲重蠹弊叢生亦惟三吳爲甚今本都院下車之日正值徵漕之際訪聞各屬罔遵 功令印官不行親自徵收或旁委丞簿

湯子遺書卷九

江南公牘

哭

雜職代管或濫差家人親戚經收每致書役倉蠹串通弊先借修倉鋪墊擅行苛派復指兌規耗贈額外加勒或藉稱節颺折算給串或踢斛淋尖分烹耗羨甚有豪頑抗欠不比本人混僉圖書糧長當年等項里役責其帶催代比偏累鄉愚積奸盤踞不行驅逐混立倉夫收書攢夫等項名色任其勒索使費包攬折乾若衛幫又有不法弁丁借名措索種種弊端難以悉數前任各院原經節次申飭有犯必懲未嘗寬假但改過自新者固有而怙終不悛者亦復不少除行糧道府正監兌各官嚴

加察禁外合就出示曉諭爲此示仰撫屬在漕官吏弁丁糧里人等知悉康熙二十三年分應徵漕糧南贈等米統照由單科則一條編徵糧戶務將乾圓潔淨好米依限完納在官須照較定部頒制斛平斛響攬前項勒索諸弊槩行禁除不許多收毫勺倉場冗役盡行革逐不得陽奉陰違頑戶按欠摘比不許偏累里役至於領運弁丁務將漕船預期修脩報明監兌編定先後截敷配船開兌之日每船一綱一旗赴倉點籌看斛逐船挨次受兌不許擁眾入倉恃強多勒倘有違犯印官運弁飛湯子遺書卷九 江南公牘

哭

章參處蠹役悍丁立拏杖斃法在必行斷不輕貸各宜凜遵毋貽後悔

申禁徵兌漕糧痼弊除民累以肅漕政事

照得漕糧官收官兌久有成例漕贈銀米業已隨正編徵正數之外毋許多加毫勺在漕諸司自宜遵法收兌躬加料理庶能弊絕風清惟是江甯江北各屬名爲官收實是民收有等衿棍充當糧里長區頭兜收包攬輒借兌運腳費名色串通官役公然科派無不指一派十私贈幾及正供至於弁丁受兌又多借名措索誤漕厲民本都院前在京

師已知其槩入境以來訪聞最確除行道府監兌各官嚴加察禁外合就出示曉諭爲此示仰撫屬在漕官吏弁丁糧里人等知悉徵收康熙二十三年分漕糧花戶各將乾圓米石自行赴倉交納不許插和糠粃稻穀印官須照部頒制斛親身驗收平斛響攔不許糧里長區頭串通蠹役包攬勒耗其領運弁丁務將漕船預期修艙完固開兌之日每船止許一綱一旗赴倉點籌看斛逐船挨次受兌不許擁眾入倉恃強刁措倘有違犯印官運弁飛章參處蠹棍悍丁立拏杖斃法在必行斷不輕貸各宜凜遵毋貽後悔

湯子遺書卷九

江南公牘

辛

嚴禁官旗勒兌以速漕運事

照得省外各衛所領運弁丁平日既有俸工屯田

養贍臨運又有行月安家月糧猶恐其解比交收

長途需費故於正耗之外復加五米五十銀之贈

優恤可謂至極民力已在不支乃有漕船到次先

講私贈各幫連結不容先兌經旬累日不鑿不休

有司恐誤漕限只得勉遂其欲此皆官弁染指分

肥故與旗軍貓鼠同眠不行約束一任運丁輾轉

取盈重困吾民現蒙 朝廷浩蕩宏恩特免漕糧

三分之一正當仰體 皇仁洗心滌慮庶使積弊
一清閭閻生色除經嚴檄該道通行轉飭外爲此
示仰在漕各官弁及旗丁糧里人等知悉凡幫船
到次卽報監兌印官編定先後截版配船於開兌
之後挨次交兌務期遵限開行倘有悍弁奸旗勒
兌需索有米不肯受兌既收不肯兌清措留通關
希違漕限者監兌官卽行查拏申解嚴究或糧道
監兌各官扣剋銀米勒索陋規亦許旗丁據實呈
告以憑參處法在必行各宜凜遵毋貽後悔

曉諭事

湯子遺書卷九

江南公牘

至

照得康熙二十四年起運二十三年分漕糧欽奉
恩詔免三分之一本院接准部文隨經出示曉
諭在案惟是五米十五銀 詔款未曾言及然屬
隨漕給軍以資輓運之項今正漕旣免似當一例
扣蠲現行藩司糧道會查具詳咨部請示但恐有
司槩行追比糧戶觀望反稽漕限合再出示曉諭
爲此示仰撫屬官吏糧里人等知悉康熙二十四
年所運二十三年分漕糧欽遵 恩詔扣免三分
之一其應蠲漕糧項下五米十五銀本院現行司
道查詳咨部著卽暫照三分之一扣徵聽候部示

其餘實徵正贈漕米以及南白糧鳳米南軍局恤等項米麥豆石速行照數徵收遵限解給毋得觀望延挨貽誤重運不便

嚴飭催償重事

照得康熙二十四年起運二十三年分漕糧本院嚴督徵兌有已兌完起行有現在償兌不日開幫但恐不法弁丁沿途逗留遲誤准限合飭驅催爲此仰道官吏查照來文事理立即轉行沿河文武各官親住河干將重運漕船挨程催趕前進不許延濬將逐日催過船數開明幫次五日一報聽候

湯子遺書卷九

江南公牘

至

查核倘有旗丁停泊攬載生事擾民卽許拏解究懲如沿途各官催攢不力或縱容兵役借端需索該道察出指名報參毋違

銷圩九年等事

前據崑山縣士民呼子谷等呈請丈量田地一案本院以此事爲該縣未了之局隨經批發該司布政司轉飭該縣酌議應行事宜去後至今未據申覆地畝錢糧關全邑利害丈量之事最爲繁難且履畝施丈非一手一足所能辦呼生老儒言之雖若鑿鑿行之恐有未逮呼生卽至公無私所用何

人豈能盡公且飲食紙張之費出在何處事不博
採眾論以闔縣之事一老儒任之誰能降心相從
且凡關大利大害之事竄慎重毋輕率竄遲之歲
月毋責效旦夕亦未有縣令充耳不聞而事能成
就之理合行查議爲此仰布政司官吏卽行該縣
崑山縣官吏查照原行卽廣集紳衿里民會議妥
確務擇公正無欺操守清潔老成歷練能耐煩勞
公論推服者若干人或爲總領或爲分任有綱有
目同心合力再將飲食紙張等費從長商議然後
舉行毋得推諉置之不問使老儒坐困亦毋聽其
湯子遺書卷九 江南公牘

卷三

紛紛議論事同道旁築舍使田畝永遠混淆民間
受害無窮限文到半月內詳報毋違

曉諭事

照得本都院素甘淡泊不尙浮華今出境查災誠
恐沿途官員踵襲陋套借名備辦下程小飯及鋪
設結綵等項名色科派鋪戶擾累窮民深爲未便
合行曉諭禁止爲此示仰該地方官民人等知悉
本都院經過地方粒米寸薪俱照民間時價發現
銀自買下程小飯中火等項槩不收用至於鋪設
綵帳尤所厭絕如有不肖官役借名備辦供應科

派鋪戶糜費民膏一經訪出定行官參役處決不姑徇愼勿泛視自貽伊戚也

示仰官吏兵民人等知悉事

照得本院秉性孤介操嚴四知上畏 簡書下恤民困不敢自暇自逸晝作夜思手書目視俱出獨裁吏書人等不過奉行號件伺候簽書而已事之行否斷不授意此輩令得講張幻罔熒惑聽聞此輩亦無自開口如有奸棍妄稱打點詐騙民錢或書吏下班借名招搖指稱查算冊籍簡點文移索取賄賂及漏洩機密事情者許被害之家及旁人揚子遺書卷九 江南公牘

善

不為此輩寬也

聞見真者具狀陳稟當立刻置之死地三尺法決
請亦無自開口
不否禮不受意此輩令得講張幻罔熒惑聽聞此
賊吏書人等不嚴奉公嚴將簡冊發書而巳專之
其困不短自釋自
附書本詞乘封派金難難四眼牛現
示仰官吏兵民人等知悉事

